


南無普賢菩薩





唐  
罽賓國三藏般若奉  
詔譯

普  
賢  
行  
願  
品

財團法人佛陀教育基金會 印贈

一切佛經，及闡揚佛法諸書，無不令人趨吉避凶，改過遷善。明三世之因果，識本具之佛性。出生死之苦海，生極樂之蓮邦。讀者必須生感恩心，作難遭想。淨手潔案，主敬存誠。如面佛天，如臨師保。則無邊利益，自可親得。若肆無忌憚，任意褻瀆。及固執管見，妄生毀謗，則罪過彌天，苦報無盡。奉勸世人，當遠罪求益，離苦得樂也。

不可思議的成就法門

「普賢行願品的玄妙功德」 流通恭序：

世尊在華嚴經中告示我們，不學普賢行願就不能圓成佛道。普賢行是等覺菩薩所修，也是華嚴會上所有法身大士所修。華嚴經一開端即看到普賢菩薩，到最後圓滿也是普賢菩薩。華嚴經之綱要在於行願品，而行願品之綱要在於十大願王，了解十大願王即等於了解了全部佛法。普賢代表圓滿順逆都是增上緣，在一切境界中，修誠敬平等，清淨慈悲，普賢菩薩更發願求生西方極樂世界，如此十大願王才真正圓滿。總之普賢行願是如來圓滿的果德。每一願皆是虛空界盡，眾生界盡，我願乃盡，而虛空界、眾生界、無有盡故，普賢行願也是無有窮盡。

- 一、禮敬諸佛：除我慢障
- 二、稱讚如來：除惡口障
- 三、廣修供養：除慳貪障
- 四、懺悔業障：除三重障
- 五、隨喜功德：除嫉妬障
- 六、請轉法輪：除慢法障
- 七、請佛住世：除慢法障
- 八、常隨佛學：(自利) 上求佛道
- 九、恒順眾生：(利他) 下化眾生。

十、普皆迴向：除狹劣障。

迴向菩提：完成自利，花開見佛，即聞佛乘，頓開佛慧

迴向眾生：完成利他，善知方便度眾生，巧把塵勞為佛事

迴向實際：遠離二利之相，合於中道，聞已即悟無生忍，入一真法界。

願生極樂世界是總願，十大願王是別願

修普賢行最方便的方法，即是至誠老實念佛，一句彌陀

念到一心不亂，即包含了十大願王。心佛合一，生死一如

物我一體，如此不分別，即入不二法門（一念分別即失去普賢行）

了知萬法皆空，了不可得，無得失心，內不動心，外不著相，則入

一真法界，原來虛空法界與我是一體。

行願品以十大願王導歸極樂，若讀誦受持，將來即蓮華化生，蒙佛授記，成佛有分。設無此品，則末法眾生，實在無法同登華藏玄門，共入毗盧性海。總華嚴一經乃如來稱性之極談，尊稱為經中之王，而普賢行願品，尤為全經之樞紐，普賢大士以十大願王勸進善財及華藏海眾，令其迴向往生西方極樂世界，以是行願一品也被推崇為淨土五經之一。

誠盼所有見聞者，老實念佛之外再發心讀誦行願品，是諸人等於一念中，所有行願皆得成就，所獲福聚無量無邊，因深緣熟智利德厚，一聞便悟，一見便證，如同善財。

經云。若人受持是經者。當得十三種清淨功德。

- 一。生死流轉。終不更起顛倒惡見。
- 二。不生五濁無佛國土。
- 三。常得見佛。
- 四。常聞正法。
- 五。常得供養衆僧。
- 六。值善知識。
- 七。常與六波羅蜜相應。
- 八。不墮小乘。
- 九。常以大慈大悲方便力。成熟衆生。
- 十。常發勝願。
- 十一。乃至菩提。而常不離如上等法。
- 十二。速能滿足六波羅蜜。
- 十三。於阿耨多羅三藐三菩提。而成正覺。

保甯勇禪師示看經警策文

夫看經之法。後學須知。當淨三業。若三業無虧。則百福俱集。三業者。身口意業也。

(一) 端身正坐。如對聖容。則身業淨也。

(二) 口無雜言。斷諸嬉笑。則口業淨也。

(三) 意不散亂。屏息萬緣。則意業淨也。

內心既寂。外境俱捐。方契悟於真源。庶研窮於法理。可謂水澄珠瑩。雲散月明。義海涌於胸襟。智嶽凝於耳目。輒莫容易。實非小緣。心法雙忘。自他俱利。若能如是。真報佛恩。



普賢行願深  
菩提大心  
三賢十  
地諸聖倫  
令見彌陀尊  
十大願王若遵  
循  
陳  
果覺因心相符泯  
證清  
利益非佛莫  
勸發

相○符○泯○  
淨○法○  
證○身○  
清○  
淨○  
法○  
身○  
果○覺○因○心○

大方廣佛華嚴經入不思議解脫境界  
普賢行願品

唐 罽賓國三藏般若奉 詔譯

爾時，普賢菩薩摩訶薩，稱歎如來勝功  
德已，告諸菩薩及善財言：「善男子！如來

功德，假使十方一切諸佛經不可說不可說，佛刹極微塵數劫，相續演說不可窮盡。若欲成就此功德門，應修十種廣大行願，何等爲十一者？禮敬諸佛；二者稱讚如來；三者廣修供養；四者懺悔業障；五者隨喜功德；六者請轉法輪；七者

請佛住世；八者常隨佛學；九者恆順衆  
生；十者普皆迴向。善財白言：「大聖！云何  
禮敬乃至迴向？」普賢菩薩告善財言：「善  
男子！言禮敬諸佛者，所有盡法界虛空  
界，十方三世一切佛刹極微塵數諸佛  
世尊，我以普賢行願力故，深心信解如

對目前，悉以清淨身語意業，常修禮敬。  
一一佛所，皆現不可說不可說佛刹極  
微塵數身；一一身，徧禮不可說不可說  
佛刹極微塵數佛。虛空界盡，我禮乃盡。  
以虛空界不可盡故，我此禮敬無有窮  
盡。如是乃至衆生界盡，衆生業盡，衆生

煩惱盡，我禮乃盡。而衆生界乃至煩惱  
無有盡故，我此禮敬無有窮盡。念念相  
續無有間斷，身語意業無有疲厭。  
復次，善男子！言稱讚如來者，所有盡法  
界虛空界，十方三世一切刹土，所有極  
微一一塵中，皆有一切世間極微塵數。

佛。一一佛所，皆有菩薩海會圍繞，我當  
悉以甚深勝解現前知見，各以出過辯  
才天女微妙舌根，一一舌根，出無盡音  
聲海；一一音聲，出一切言辭海；稱揚讚  
歎一切如來諸功德海，窮未來際相續  
不斷，盡於法界無不周徧。如是虛空界



盡，衆生界盡，衆生業盡，衆生煩惱盡，我讚乃盡。而虛空界乃至煩惱無有盡故，我此讚歎無有窮盡。念念相續無有間斷，身語意業無有疲厭。

復次善男子！言廣修供養者，所有盡法界虛空界，十方三世一切佛刹極微塵

中，一一各有一切世界極微塵數佛，一  
一佛所，種種菩薩海會圍繞。我以普賢  
行願力故，起深信解現前知見，悉以上  
妙諸供養具而爲供養。所謂華雲、鬘雲、  
天音樂雲、天傘蓋雲、天衣服雲、天種種  
香、塗香、燒香、末香，如是等雲，一一量如

須彌山王。然種種燈，酥燈、油燈、諸香油  
燈，一一燈炷如須彌山，一一燈油如大  
海水，以如是等諸供養具常爲供養。善  
男子！諸供養中法供養最。所謂如說修  
行供養、利益衆生供養、攝受衆生供養、  
代衆生苦供養、勤修善根供養、不捨苦

薩業供養，不離菩提心供養。善男子！如  
前供養無量功德，比法供養一念功德，  
百分不及一，千分不及一；百千俱胝那  
由他分、迦羅分、算分、數分、喻分、優波尼  
沙陀分，亦不及一。何以故？以諸如來尊  
重法故，以如說行出生諸佛故，若諸菩

薩行法供養，則得成就供養如來，如是修行，是真供養故。此廣大最勝供養，虛空界盡，衆生界盡，衆生業盡，衆生煩惱盡，我供乃盡。而虛空界乃至煩惱不可盡故，我此供養亦無有盡。念念相續無有間斷，身語意業無有疲厭。

復次善男子！言懺除業障者，菩薩自念我於過去無始劫中，由貪瞋癡發身口意，作諸惡業無量無邊。若此惡業有體相者，盡虛空界不能容受。我今悉以清淨三業，徧於法界極微塵刹，一切諸佛菩薩衆前誠心懺悔，後不復造，恆住淨

戒一切功德如是虛空界盡，衆生界盡，衆生業盡，衆生煩惱盡，我懺乃盡。而虛空界乃至衆生煩惱不可盡故，我此懺悔無有窮盡。念念相續無有間斷，身語意業無有疲厭。

復次，善男子！言隨喜功德者，所有盡法

界虛空界，十方三世一切佛刹極微塵  
數諸佛如來，從初發心爲一切智勤修  
福聚不惜身命，經不可說不可說佛刹  
極微塵數劫。一一劫中，捨不可說不可  
說佛刹極微塵數頭目手足，如是一切  
難行苦行，圓滿種種波羅蜜門，證入種



種菩薩智地，成就諸佛無上菩提，及般  
涅槃分布舍利，所有善根我皆隨喜。及  
彼十方一切世界，六趣四生一切種類  
所有功德，乃至一塵，我皆隨喜。十方三  
世一切聲聞及辟支佛，有學無學所有  
功德，我皆隨喜。一切菩薩所修無量難

行苦行，志求無上正等菩提廣大功德，  
我皆隨喜。如是虛空界盡，衆生界盡，衆  
生業盡，衆生煩惱盡，我此隨喜無有窮  
盡。念念相續無有間斷，身語意業無有  
疲厭。

復次，善男子！言請轉法輪者，所有盡法

界虛空界，十方三世一切佛刹極微塵  
中，一一各有不可說不可說佛刹極微  
塵數廣大佛刹。一一刹中，念念有不可  
說不可說佛刹極微塵數一切諸佛成  
等正覺。一切菩薩海會圍繞，而我悉以  
身、口、意業種種方便，殷勤勸請轉妙法

輪。如是虛空界盡，衆生界盡，衆生業盡，  
衆生煩惱盡。我常勸請一切諸佛轉正  
法輪，無有窮盡。念念相續，無有間斷，身  
語意業，無有疲厭。

復次，善男子！言請佛住世者，所有盡法  
界、虛空界，十方三世一切佛刹極微塵

數諸佛如來，將欲示現般涅槃者，及諸  
菩薩聲聞緣覺有學無學，乃至一切諸  
善知識，我悉勸請莫入涅槃。經於一切  
佛刹極微塵數劫，爲欲利樂一切衆生。  
如是虛空界盡，衆生界盡，衆生業盡，衆  
生煩惱盡，我此勸請無有窮盡。念念相

續無有間斷，身語意業無有疲厭。

復次，善男子！言常隨佛學者，如此娑婆世界毘盧遮那如來，從初發心精進不退，以不可說不可說身命而爲布施，剝皮爲紙，析骨爲筆，刺血爲墨，書寫經典積如須彌，爲重法故，不惜身命。何況王

位、城邑聚落宮殿園林一切所有，及餘  
種種難行苦行，乃至樹下成大菩提。示  
種種神通，起種種變化，現種種佛身，處  
種種衆會，或處一切諸大菩薩衆會道  
場，或處聲聞及辟支佛衆會道場，或處  
轉輪聖王小王眷屬衆會道場，或處刹

利及婆羅門長者居士衆會道場，乃至  
或處天龍八部、人非人等衆會道場，處  
於如是種種衆會，以圓滿音如大雷震，  
隨其樂欲成熟衆生，乃至示現入於涅槃。  
如是一切我皆隨學，如今世尊毗盧  
遮那，如是盡法界虛空界，十方三世一



切佛刹，所有塵中一切如來，皆亦如是，  
於念念中我皆隨學。如是虛空界盡，衆  
生界盡，衆生業盡，衆生煩惱盡，我此隨  
學無有窮盡。念念相續無有間斷，身語  
意業無有疲厭。

復次，善男子，言恆順衆生者，謂盡法界

虛空界、十方剎海所有衆生種種差別。所謂卵生、胎生、濕生、化生、或有依於地、水、火、風而生住者、或有依空及諸卉木而生住者、種種生類、種種色身、種種形狀、種種相貌、種種壽量、種種族類、種種名號、種種心性、種種知見、種種欲樂、種

種意行、種種威儀、種種衣服、種種飲食、  
處於種種村營、聚落、城邑、宮殿。乃至一  
切天龍八部、人非人等、無足、二足、四足、  
多足、有色、無色、有想、無想、非有想、非無  
想、如是等類。我皆於彼隨順而轉、種種  
承事、種種供養、如敬父母、如奉師長、及

阿羅漢，乃至如來，等無有異。於諸病苦，  
爲作良醫；於失道者，示其正路；於闇夜  
中，爲作光明；於貧窮者，令得伏藏；菩薩  
如是平等饒益一切衆生。何以故？菩薩  
若能隨順衆生，則爲隨順供養諸佛。若  
於衆生尊重承事，則爲尊重承事如來。

若令衆生生歡喜者，則令一切如來歡喜。何以故？諸佛如來以大悲心而爲體故，因於衆生而起大悲，因於大悲生菩提心，因菩提心成等正覺。譬如曠野沙磧之中，有大樹王，若根得水，枝葉華果悉皆繁茂，生死曠野菩提樹王，亦復如

是。一切衆生而爲樹根，諸佛菩薩而爲  
華果，以大悲水饒益衆生，則能成就諸  
佛菩薩智慧華果。何以故？若諸菩薩以  
大悲水饒益衆生，則能成就阿耨多羅  
三藐三菩提故，是故菩提屬於衆生。若  
無衆生，一切菩薩終不能成無上正覺。

善男子！汝於此義應如是解。以於衆生  
心平等故，則能成就圓滿大悲。以大悲  
心隨衆生故，則能成就供養如來。菩薩  
如是隨順衆生，虛空界盡，衆生界盡，衆  
生業盡，衆生煩惱盡，我此隨順無有窮  
盡。念念相續無有間斷，身語意業無有

疲厭。

復次，善男子！言普皆迴向者，從初禮拜乃至隨順所有功德，皆悉迴向盡法界虛空界一切衆生，願令衆生常得安樂無諸病苦，欲行惡法皆悉不成，所修善業皆速成就。關閉一切諸惡趣門，開示



人天涅槃正路。若諸衆生因其積集諸惡業故，所感一切極重苦果，我皆代受，令彼衆生悉得解脫，究竟成就無上菩提。菩薩如是所修廻向，虛空界盡，衆生界盡，衆生業盡，衆生煩惱盡，我此廻向無有窮盡。念念相續無有間斷，身語意

業無有疲厭。善男子！是爲菩薩摩訶薩  
十種大願，具足圓滿。若諸菩薩於此大  
願隨順趣入，則能成熟一切衆生；則能  
隨順阿耨多羅三藐三菩提；則能成滿  
普賢菩薩諸行願海。是故，善男子！汝於  
此義應如是知。若有善男子、善女人，以

滿十方無量無邊，不可說不可說佛刹  
極微塵數一切世界上妙七寶，及諸人  
天最勝安樂，布施爾所一切世界所有  
衆生，供養爾所一切世界諸佛菩薩，經  
爾所佛刹極微塵數劫，相續不斷，所得  
功德，若復有人聞此願王，一經於耳所

有功德，比前功德，百分不及一，千分不及一，乃至優波尼沙陀分，亦不及一。或復有人以深信心，於此大願受持讀誦，乃至書寫一四句偈，速能除滅五無間業，所有世間身心等病種種苦惱，乃至佛刹極微塵數一切惡業，皆得消除。一

切魔軍夜叉、羅刹、若鳩槃荼、若毘舍闍、  
若部多等，飲血啗肉諸惡鬼神，皆悉遠  
離，或時發心親近守護。是故，若人誦此  
願者，行於世間無有障礙，如空中月出  
於雲翳，諸佛菩薩之所稱讚。一切人天  
皆應禮敬，一切衆生悉應供養，此善男

子，善得人身，圓滿普賢所有功德。不久當如普賢菩薩，速得成就微妙色身，具三十二大丈夫相。若生人天所在之處，常居勝族，悉能破壞一切惡趣；悉能遠離一切惡友；悉能制伏一切外道；悉能解脫一切煩惱，如師子王摧伏羣獸，堪

受一切衆生供養。又復是人，臨命終時，最後剎那，一切諸根悉皆散壞，一切親屬悉皆捨離；一切威勢悉皆退失，輔相大臣、宮城內外象馬車乘、珍寶伏藏，如是一切，無復相隨，唯此願王，不相捨離。於一切時引導其前，一剎那中，即得往

生極樂世界。到已，即見阿彌陀佛、文殊師利菩薩、普賢菩薩、觀自在菩薩、彌勒菩薩等。此諸菩薩色相端嚴，功德具足，所共圍繞。其人自見生蓮華中，蒙佛授記。得授記已，經於無數百千萬億那由他劫，普於十方不可說不可說世界，以



智慧力隨衆生心而爲利益，不久當坐  
菩提道場，降伏魔軍，成等正覺，轉妙法  
輪。能令佛刹極微塵數世界衆生發菩  
提心，隨其根性教化成熟，乃至盡於未  
來劫海，廣能利益一切衆生。善男子！彼  
諸衆生，若聞若信此大願王，受持讀誦

廣爲人說，所有功德，除佛世尊，餘無知者。是故汝等，聞此願王，莫生疑念，應當諦受，受已能讀，讀已能誦，誦已能持，乃至書寫，廣爲人說。是諸人等，於一念中，所有行願，皆得成就，所獲福聚，無量無邊，能於煩惱大苦海中，拔濟衆生，令其

出離，皆得往生阿彌陀佛極樂世界。爾時普賢菩薩摩訶薩，欲重宣此義，普觀十方而說偈言：「  
所有十方世界中，三世一切人師子；  
我以清淨身語意，一切徧禮盡無餘。  
普賢行願威神力，普現一切如來前；

一身復現刹塵身，  
一一徧禮刹塵佛。  
於一塵中塵數佛，  
各處菩薩衆會中；  
無盡法界塵亦然，  
深信諸佛皆充滿。  
各以一切音聲海，  
普出無盡妙言辭；  
盡於未來一切劫，  
讚佛甚深功德海。  
以諸最勝妙華鬘，  
伎樂塗香及傘蓋；

如是最勝莊嚴具，  
最勝衣服最勝香，  
一一皆如妙高聚，  
我以廣大勝解心，  
悉以普賢行願力，  
我昔所造諸惡業，

我以供養諸如來。  
末香燒香與燈燭；  
我悉供養諸如來。  
深信一切三世佛；  
普徧供養諸如來。  
皆由無始貪瞋癡；

從身語意之所生，  
十方一切諸衆生，  
一切如來與菩薩，  
十方所有世間燈，  
我今一切皆勸請，  
諸佛若欲示涅槃，

一切我今皆懺悔。  
二乘有學及無學，  
所有功德皆隨喜。  
最初成就菩提者，  
轉於無上妙法輪。  
我悉至誠而勸請；

唯願久住刹塵劫，  
利樂一切諸衆生。  
所有禮讚供養福，  
請佛住世轉法輪；  
隨喜懺悔諸善根，  
迴向衆生及佛道。  
我隨一切如來學，  
修習普賢圓滿行；  
供養過去諸如來，  
及與現在十方佛。  
未來一切天人師，  
一切意樂皆圓滿。

我願普隨三世學，速得成就大菩提。  
所有十方一切刹，廣大清淨妙莊嚴；  
衆會圍繞諸如來，悉在菩提樹王下。  
十方所有諸衆生，願離憂患常安樂；  
獲得甚深正法利，滅除煩惱盡無餘。  
我爲菩提修行時，一切趣中成宿命；



常得出家修淨戒，無垢無破無穿漏。  
天龍夜叉鳩槃荼，乃至人與非人等；  
所有一切衆生語，悉以諸音而說法。  
勤修清淨波羅蜜，恆不忘失菩提心；  
滅除障垢無有餘，一切妙行皆成就。  
於諸惑業及魔境，世間道中得解脫。

猶如蓮華不著水，  
亦如日月不住空。  
悉除一切惡道苦，  
等與一切羣生樂；  
如是經於剎塵劫，  
十方利益恆無盡。  
我常隨順諸衆生，  
盡於未來一切劫；  
恆修普賢廣大行，  
圓滿無上大菩提。  
所有與我同行者，  
於一切處同集會；

身口意業皆同等，  
一切行願同修學。  
所有益我善知識，  
爲我顯示普賢行；  
常願與我同集會，  
於我常生歡喜心。  
願常面見諸如來，  
及諸佛子衆圍繞；  
於彼皆興廣大供，  
盡未來劫無疲厭。  
願持諸佛微妙法，  
光顯一切菩提行；

究竟清淨普賢道，  
我於一切諸有中，  
定慧方便及解脫，  
一塵中有塵數刹，  
一一佛處衆會中，  
普盡十方諸刹海，  
盡未來劫常修習。  
所修福智恆無盡；  
獲諸無盡功德藏。  
一一刹有難思佛；  
我見恆演菩提行。  
一一毛端三世海；

佛海及與國土海，  
一切如來語清淨，  
隨諸衆生意樂音，  
三世一切諸如來，  
恆轉理趣妙法輪，  
我能深入於未來，

我徧修行經劫海。  
一言具衆音聲海；  
一一流佛辯才海。  
於彼無盡語言海；  
我深智力普能入。  
盡一切劫爲一念；

三世所有一切劫，  
爲一念際我皆入。  
我於一念見三世，  
所有一切人師子；  
亦常入佛境界中，  
如幻解脫及威力。  
於一毛端極微中，  
出現三世莊嚴刹；  
十方塵刹諸毛端，  
我皆深入而嚴淨。  
所有未來照世燈，  
成道轉法悟羣有；

究竟佛事示涅槃，  
速疾周徧神通力，  
智行普修功德力，  
徧淨莊嚴勝福力，  
定慧方便威神力，  
清淨一切善業力，

我皆往詣而親近。  
普門徧入大乘力；  
威神普覆大慈力。  
無著無依智慧力；  
普能積集菩提力。  
摧滅一切煩惱力；

降伏一切諸魔力，  
普能嚴淨諸刹海，  
善能分別諸法海，  
普能清淨諸行海，  
親近供養諸佛海，  
三世一切諸如來，

圓滿普賢諸行力。  
解脫一切衆生海；  
能甚深入智慧海。  
圓滿一切諸願海；  
修行無倦經劫海。  
最勝菩提諸行願；



我皆供養圓滿修，  
一切如來有長子，  
我今迴向諸善根，  
願身口意恆清淨，  
如是智慧號普賢，  
我爲徧淨普賢行，

以普賢行悟菩提。  
彼名號曰普賢尊，  
願諸智行悉同彼。  
諸行剎土亦復然，  
願我與彼皆同等。  
文殊師利諸大願，

滿彼事業盡無餘，  
我所修行無有量，  
安住無量諸行中，  
文殊師利勇猛智，  
我今迴向諸善根，  
三世諸佛所稱歎，

未來際劫恆無倦。  
獲得無量諸功德；  
了達一切神通力。  
普賢慧行亦復然；  
隨彼一切常修學。  
如是最勝諸大願；

我今迴向諸善根，  
願我臨欲命終時，  
面見彼佛阿彌陀，  
我既往生彼國已，  
一切圓滿盡無餘，  
彼佛衆會咸清淨，  
爲得普賢殊勝行。  
盡除一切諸障礙，  
即得往生安樂刹。  
現前成就此大願，  
利樂一切衆生界。  
我時於勝蓮華生。

親覩如來無量光，  
蒙彼如來授記已，  
智力廣大徧十方，  
乃至虛空世界盡，  
如是一切無盡時，  
十方所有無邊刹，

現前授我菩提記。  
化身無數百俱胝；  
普利一切衆生界。  
衆生及業煩惱盡；  
我願究竟恆無盡。  
莊嚴衆寶供如來；

最勝安樂施天人，  
經一切剎微塵劫。  
若人於此勝願王，  
一經於耳能生信；  
求勝菩提心渴仰，  
獲勝功德過於彼。  
即常遠離惡知識，  
永離一切諸惡道；  
速見如來無量光，  
具此普賢最勝願。  
此人善得勝壽命，  
此人善來人中生；

此人不久當成就，  
如彼普賢菩薩行。  
往昔由無智慧力，  
所造極惡五無間；  
誦此普賢大願王，  
一念速疾皆消滅。  
族姓種類及容色，  
相好智慧咸圓滿；  
諸魔外道不能摧，  
堪爲三界所應供。  
速詣菩提大樹王，  
坐已降伏諸魔衆；

成等正覺轉法輪，  
普利一切諸含識。  
若人於此普賢願，  
讀誦受持及演說；  
果報唯佛能證知，  
決定獲勝菩提道。  
若人誦此普賢願，  
我說少分之善根；  
一念一切悉皆圓，  
成就衆生清淨願。  
我此普賢殊勝行，  
無邊勝福皆廻向。

普願沉溺諸衆生，速往無量光佛刹。  
爾時，普賢菩薩摩訶薩於如來前，說此  
普賢廣大願王清淨偈已，善財童子踊  
躍無量，一切菩薩皆大歡喜。如來讚言：  
「善哉！善哉！」  
爾時世尊，與諸聖者菩薩摩訶薩，演說



如是不可思議解脫境界勝法門時，文殊師利菩薩而爲上首，諸大菩薩及所成熟六千比丘。彌勒菩薩而爲上首，賢劫一切諸大菩薩。無垢普賢菩薩而爲上首，一生補處住灌頂位諸大菩薩。及餘十方種種世界普來集會，一切剎海。

極微塵數諸菩薩摩訶薩衆。大智舍利  
弗、摩訶目犍連等而爲上首，諸大聲聞，  
并諸人天一切世主，天、龍、夜叉、乾闥婆、  
阿修羅、迦樓羅、緊那羅、摩睺羅伽、人非  
人等，一切大衆，聞佛所說，皆大歡喜，信  
受奉行。

大方廣佛華嚴經普賢行願品

補闕真言

南無三滿多。沒馱喃。阿鉢囉帝。喝多折。  
折捺彌。唵。雞彌雞彌。怛塔葛塔喃。末瓦  
山矻砵囉帝。烏怛摩怛摩。怛塔葛塔喃。  
末瓦吽。發莎訶。

# 南無護法韋馱尊天菩薩

佛記樓至 屢現童真 功勳浩蕩 正眼分明  
兜鍪鎧甲 寶杵隨身 三洲應化 護法護人  
有道者 為翰為屏 破法者 碎腦碎心  
永佐三尊侍座側 叢林鞏固遠維新



普賢行願品 功德主名錄

委印文號：103060

一一、〇〇〇元：往生者胡毓麟(迴向胡居士往生淨土，上品上生，花開見佛，倒駕慈航，普渡眾生)；張桂英(迴向張居士重罪消滅，善根增長，一心念佛，求生淨土)。

以上共計新台幣：一一、〇〇〇元，恭印一、〇〇〇本。

回向：天下和順，日月清明，風雨以時，災厲不起，國豐民安，兵戈無用，

崇德興仁，務修禮讓，國無盜賊，無有冤枉，強不凌弱，各得其所。

祝願法界一切有情，所有六道四生，宿世冤親，現世業債，咸憑法力，悉得解脫。

祝願現生者增福延壽，發菩提心，常隨佛學，勤修精進，利濟群生。

祝願已故者往生淨土，同出苦輪，共登覺岸。

附記：本會接受善信委託，代印經書、佛像，其必要之費用，均經本會審慎評估；若有結餘，均續作本會之印(購)經書及運費，為施主廣積陰德，歡迎十方大德善加利用。

普為出資及讀誦受持  
輾轉流通者回向偈曰

願以此功德  
消除宿現業  
增長諸福慧  
圓成勝善根  
所有刀兵劫  
及與饑饉等  
悉皆盡滅除  
人各習禮讓  
讀誦受持人  
輾轉流通者  
現眷咸安樂  
先亡獲超昇  
風雨常調順  
人民悉康寧  
法界諸含識  
同證無上道

佛曆二五五八年/西元二〇一四年二月

## 普賢行願品

發行人：簡豐文

出版者：財團法人佛陀教育基金會

地址：100 台北市杭州南路一段五十五號十一樓

網址：<http://www.budaedu.org>

E-mail：[budaedu@budaedu.org](mailto:budaedu@budaedu.org)

電話：(011) 3395-1198 傳真：(011) 3391-1341-5

劃撥戶名：財團法人佛陀教育基金會 郵局劃撥帳號：〇七六九九七七

銀行名稱：台灣銀行城中分行（請於電匯或轉帳後告知本會用途）

銀行帳號：〇四五〇〇四五九七五〇三

本會經書免費結緣之請取方式如下：

(一) 親臨本會三樓講堂。(二) 利用傳真：(02) 23965959

(三) 撥打電話：(02) 23961198 分機：11、12

(四) 網址：<http://www.budaedu.org/books/>。(五) 寫信指定：本會法寶流通股。

為提高服務效率，請您嚴謹考量，慎選所需經書；儘量少用電話，多利用文字方式請取，並請詳寫經書名稱、冊數及收件人姓名、地址、電話、郵遞區號，以減少本會之處理時間；若大量申請，請註明用途，且避免姓名、地址等文字上書寫之錯誤。

◎本會經書，歡迎翻印（請勿增刪），贈送流通，功德無量。

◎本會交通

※捷運：善導寺站5號出口，至杭州南路右轉，過兩個紅綠燈。

※公車站牌：審計部站→212、299、232、205、276、605、257、262

台北商業技術學院→253、297、237 仁愛路二段→253、297 開南商工→208

仁愛路、杭州南路(紹興街)口→630、270、263、245、621、651、37、261

行政院新聞局出版事業登記證局版臺業字第三八六九號

